



Inatsisartut Ilaasortaq Kristian Jeremiassen, Siumut  
MAANI

**Naalakkersuisunut apeqqummut nr. 211-mut akissut, Naalakkersuisut pilersaaruteqarnersut piniakkanut killilersukkanut tamanut piniarnermi nammineerluni piniutinik pigisaqartut kisimik piniarsinnaalernissaat anguniassallugu?**

Inatsisartut suleriaasianni § 36, imm. 1 naapertorlugu apeqquteqaateqarputit piniakkanut killilersukkanut tamanut piniarnermi nammineerluni piniutinik pigisaqartut kisimik piniarsinnaalernissaat qulakkeerniarlugu anguniagaqartoqarnersoq pillugu. Apeqqut naalakkersuisoqarfinit akisassanngortinneqarpoq.

19. oktober 2010  
Sagsnr. 2010-040090  
Dok. Nr. 485115

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

**1) Naalakkersuisut pilersaaruteqarpat piniakkanut killilersukkanut tamanut piniarnermi nammineerluni piniutinik pigisaqartut kisimik piniarsinnaalernissaat anguniassallugu?**

1 pillugu) Uumasut uku 2010-mi killilersugaapput, aammalu Namminersorlutik Oqartusani uumasut assigiinngitsut pillugit nalunaarummi piumasaqaatit ataaniillutik:

Suunera	Piniarsinnaanermut akuersissuteqarnis-samik piumasaqaat	Sulloqqortussutsimut/imassanut piumasaqaatit	Atortunut piumasaqaatit, Namminersorlutik Oqartussat uumasunut assigiinngitsunut nalunaarutaa malillugu
Arferit angisuut, qamutillit atorlugit piniarneq	Inuussutissarsiutigalugu piniartuuneq	Uumasumi pineqartumik pingaarnertut toqutsissutaa-sartoq qamutilip qaartartua	Qamutilik akuerisaasoq, angallatip angissusaanut piumasaqaat. Piumasaqaataavoq taamaallaat inuit akuersissutillit akuerisaasunillu atortullit arfernik angisuunik pisaqarsinnaasut.
Arferit angisuut, qoorortuut atorlugit piniarneq	Inuussutissarsiutigalugu piniartuuneq	Qoorortoq minnerpaamik 7,62 mm-imik sulloqqortus-susilik (30.06)	Umiatsiaaqqat peqataasut tamar-mik naaligaammik, allunaasanik puttaqutinillu pigisaqassapput, allunaasanik qalorsuarnillu amoorummik piumasaqaat. Piumasaqaataavoq umiatsiaaqqanik piginnittut ataatsimoorullugu piniarsinnaanermut akuersissuteqassasut, allanillu arlalinnik piumasaqaateqarpoq, ilaatigut umiatsiaaqqat imatut atortulersorneqarsimassasut piniarneq isumannaatsumik ingerlanneqarsinnaalluni.

Qilalukkat qaqortat qer- nertallu	Inuussutissar- siutigalugu pi- niartuuneq / sunngiffimi pi- niartuuneq	Qoorortoq 7,62 x 63 mm sulloqqortus- susilik (30.06) / aqerloq ta- makkerlugu qalligaq	Naaligaq, angallatip angissusaanut piumasaqaat. Atortunik piginnittuu- nissamik piunasaqaateqanngilaq.
Nannut	Inuussutissar- siutigalugu pi- niartuuneq	Qoorortoq .30-06 (7,62 mm) sulloqqor- tussusilik	Angallatip angissusaanut piunasaqaat. Atortunik piginnittuunissamik piunasaqaateqanngilaq.
Aarrit	Inuussutissar- siutigalugu pi- niartuuneq	Qoorortoq .30-06 (7,62 mm) sulloqqor- tussusilik	Angallatip angissusaanut piunasaqaat, aveq toqullugu aallaannginnerani naalinneqassaaq, naaligaq ataatsimik aralinnilluunniit avataqassaaq. Atortunik piginnittuunissamik piunasaqaateqanngi- laq.
Tuttut	Inuussutissar- siutigalugu pi- niartuuneq / sunngiffimi pi- niartuuneq	Aallaat .222 Remington	Atortunik piginnittuunissamik piunasaqaateqanngilaq.
Umimmaat	Inuussutissar- siutigalugu pi- niartuuneq / sunngiffimi pi- niartuuneq	Qoorortoq 6.5 x 55	Atortunik piginnittuunissamik piunasaqaateqanngilaq.
Timmissat	Inuussutissar- siutigalugu pi- niartuuneq / sunngiffimi pi- niartuuneq	Aallaat min- nerpaamik .22, sulloqqortus- suseq anner- paamik 12, toortaannariaq sulloqqortus- susia anner- paamik 12 qaannami pi- sisseq imal. Timmissanut pisisseq, nettit qaloorutit	Atortunik piginnittuunissamik piunasaqaateqanngilaq.

Uumasut uku 2010-mi killilersugaapput, kommunillu ileqqoreqqusaanni piunasaqaatitaqarlutik:

Suussusia	Piniarsinnaa- nermut akuer- sissuteqarnis- samik piumasa- qaat	Sulloqqortus- sutsimut/ i- massanut piumasaqaatit	Atortunut piumasaqaatit, kommunit ileqqoreqqusaat malillugit
Arferit angisuut, qamutillit atorlugit piniarneq			
Arferit angisuut, qoorortuut atorlugit piniarneq			
Qilalukkat qaqortat qernertallu	Aqutsiveqarfii ilaanni inuussu- tissarsiutigalugu aamma sunngif- fimmi piniartut piniarsinnaanis- saat akuersissu- taavoq	Aqutsiveqar- finni ataasiak- kaani qassutit atorlugit pi- niarsinnaaneq akuerisaavoq.	Aqutsiveqarfinni ataasiakkaani angallatit angissusaat annertuneru- sumik killilersugaavoq. Atortunik piginnittuunissamik piumasaqaate- qanngilaq.
Nannut		Soqanngilaq	Soqanngilaq
Aarrit		Soqanngilaq	Soqanngilaq
Tuttut		Soqanngilaq	Soqanngilaq
Umimmaat		Soqanngilaq	Soqanngilaq
Timmissat		Soqanngilaq	Soqanngilaq

Takussutissiami qulaaniittumi erseqqissumik takuneqarsinnaavoq, aallaammik piginnittussaaneq aammalu atortunik inatsisitigut piginnittussaataaneq uumasut assigiinngitsut pillugit nalunaarutini atuuttuni erseqqarissumik nassuiarneqanngitsut.

Uumasunik illersuineq pisassiisarnerlu pillugit nalunaarutini allannguinnissat pillugit, Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarutaat nr. 12, 12. Februar 2004-meersoq maannakkut nutarterneqartumut oqaatigineqarsinnaavoq, taassuma ataani umiatsiaaqqamik, qaannamik imaluunniit angallammik piginnittuunissamik piumasaqaatini angissutsinut piumasaqaatit ilaassammata. Taassuma saniatigut Naalakkersuisoqarfiup suliaraa uumasut pillugit nalunaarutit allat aaqqiiviigineqarnissaat, tassani piumasaqaatit nalilersorneqassallutik, taassuma ataani piniarnermi atortunik angallatinillu piginnittuunermik piumasaqaatit ilanngullugit.

Aallaasit pillugit inatsisiliortarneq suli akisussaaffittut suliassaqarfiulinngilaq. Aallaasit imassallu pillugit suliassaqarfik maannakkut Politimestereqarfiup suliassatut akisussaaffigivaa. Aallaasit imassallu aalajangersimasut arlallit killilersugaapput inerteqqutaallutillu, kisiannili aamma immikkut akuerineqarnissamik periarfissaqarpoq, assersuutigalugu inuussutissarsiutigalugu piniarnermi aallaasit eqittaannartakkat atorneqarsinnaaneri.

Nalaakkersuisoqarfitsinni aallaasinik piginnittunik nalunaarsuiffeqanngilagut, taamaallaat arfernut qamutilinnik piginnittunik allattuiffik pigineqarpoq.

Taamaalillunga naliliivunga, aallaasinik piginnittuunerup uppersarneqarnissaanik piunasaqaateqarnissaq allattoqarfimmi nakkutilliisoqarfinni soorlu Piniarnermik Aalisarnermillu Nakkutilliisoqarfimmi aqunneqarnissaa ajornakusoorsinnaasoq. Soorlu qulaani oqaatigineqartoq naalakkersuisoqarfimma nalunaarutit atuuttut nalilersorniarpai, misisorlugu uumasunik killilersugaasunik piniarsinnaanermut akuersissutinut piunasaqaatit erseqqarinnerusunngortinneqarsinnaanersut. Sulianik uumasut pillugit nalunaarutit a-taasiakkaat nutarternerannut peqatigitillugu ingerlanneqassaaq.

Inussiarnersumik inuulluaqqusillunga

Ane Hansen